

Broj: 10-14/5-362-1- 16-6/19  
Sarajevo, 11.11.2019. godine

Na osnovu člana 70. Zakona o javnim nabavkama BiH („Službeni glasnik BiH”, broj 39/14 i 20/15), na preporuku Komisije za javnu nabavku u postupku javne nabavke računarske opreme, federalni ministar poljoprivrede, vodoprivrede i šumarstva, donosi

**O D L U K U**  
**o izboru najpovoljnijeg ponuđača**

**Član 1.**

Prihvata se preporuka Komisije za javne nabavke i Ugovor za javnu nabavku računarske opreme, dodjeljuje se ponuđaču “KAMER COMMERCE” d.o.o Sarajevo, za ponuđenu cijenu od **69.999,00** bez PDV-a.

**Član 2.**

Prijedlog ugovora o nabavci dostavit će se na potpis izabranom “KAMER COMMERCE” d.o.o. Sarajevo u roku od deset dana, računajući od dana kada su svi ponuđači obaviješteni o izboru najpovoljnije ponude.

**Član 3.**

Ova Odluka će se dostaviti ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama. Uz ovu Odluku ponuđaču koji je učestvovali u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

**Član 4.**

Za izvršenje ove Odluke zadužuje se Sektor za finansije i računovodstvo.

**Član 5.**

Ova Odluka stupa na snagu danom donošenja.

**O b r a z l o ž e n j e**

Odlukom o pokretanju postupka javne nabavke broj: 10-14/5-362-1-16/19 od 24. 09. 2019. godine pokrenut je otvoreni postupak za nabavku računarske opreme.

Procjenjena vrijednost javne nabavke bez PDV-a je 70.000,00 KM.

Ugovorni organ je objavio obavještenje o nabavci broj: 855-1-2-10-3-13/19 na Portalu javnih nabavki dana 27.09. 2019. godine.

Do krajnjeg roka za dostavu ponuda, 18.10.2019. godine do 10,00 sati prispjela je ponuda ponuđača: "KAMER COMMERCE" d.o.o. Sarajevo.

Komisija za javnu nabavku imenovana Rješenjem federalnog ministra poljoprivrede, vodoprivrede i šumarstva broj: 10-14/5-362-2/19 od 23.04.2019. godine je blagovremeno dostavila Zapisnike o otvaranju, pregledu i ocjeni pristigle ponude.

Iz navedenih Zapisnika proizilazi je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan);
- da je blagovremeno zaprimljena 1 (jedna) ponuda;
- da nije bilo neblagovremeno primljenih ponuda;
- da je ponuda "KAMER COMMERCE" d.o.o. Sarajevo prihvatljiva.

Uvidom u priloženu dokumentaciju, neosporno je da je ponuđač "KAMER COMMERCE" d.o.o. Sarajevo jedini dostavio, u predmetnom postupku javne nabavke, prihvatljivu ponudu u skladu sa tenderskom dokumentacijom, u iznosu od **69.999,00 KM** bez PDV-a.

Obzirom da ponuda ponuđača "KAMER COMMERCE" d.o.o. Sarajevo ocijenjena kao prihvatljiva, to je Komisija za nabavku predložila prihvatanje ponude, te shodno članu 70. Zakona, donošenje Odluke o izboru ponude ponuđača "KAMER COMMERCE" d.o.o. Sarajevo, kao najpovoljnije za predmetnu nabavku.

Cijena ponude bez PDV-a **69.999,00 KM**, ukupna cijena ponude sa PDV-om **81.898,83 KM**.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuka Komisije za javne nabavku.

Naime, u postupku je ocijenjeno da je Komisija u svemu pravilno postupila te je preporuka za izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke i to u pismenoj formi i u dovoljnom broju primjeraka a koji ne može biti manji od tri.

Dostaviti:

- Ponuđaču,
- a/a.

  
**MINISTAR**  
mr. sci. Šemsudin Dedić